



Broj: 06-04-52127/23
Sarajevo, 29.12.2023. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI/PREDSTAVNIČKI DOM
Tajnik/Sekretar
Ul. Hamdije Kreševljakovića br. 3
SARAJEVO

Predmet: Izjašnjenje na zastupničku inicijativu zastupnika Harisa Silajdžića, dostavlja se

Ministarstvo za boračka pitanja Kantona Sarajevo je putem Stručne službe Vlade Kantona Sarajevo zaprimilo Inicijativu zastupnika Harisa Silajdžića u Predstavničkom domu Parlamenta Federacije Bosne i Hercegovine. Pokrenuta zastupnička inicijativa glasi:

“Ovim putem želim podnijeti zastupničku inicijativu prema svim federalnim, kantonalnim, gradskim organima, općinskim službama za upravu i upravne organizacije, javnim ustanovama i preduzećima čiji su osnivači Federacija, kantona, grad ili općina, privredna društva i javna preduzeća u kojima Federacija ima većinski vlasnički udio te i od Vrhovnog suda FBiH i svih kantonalnih i općinskih sudova da mi dostave: Provedbeni propis za član 38a. Zakona o pravima branilaca i članova njihovih porodica.

Obrazloženje:

Naime, ova inicijativa ima za cilj osigurati provedbu odredbi zakona koje propisuju prednost pri zapošljavanju za branioca i članove njihovih porodica u različitim organima, ustanovama i preduzećima. Član 28a. Jasno propisuje obavezu federalnih, kantonalnih, gradskih i općinskih organa, upravnih službi, te javnih ustanova i preduzeća koja imaju većinski vlasnički udio Federacije da prilikom prijema u radni odnos daju prednost licima iz člana 1. ovog zakona, odnosno braniocima i članovima njihovih porodica. Moja inicijativa zahtijeva dostavu provedbenog propisa, što je izuzetno važno kako bi se osigurala dosljedna primjena zakonskih odredbi. Navedeni organi i organizacije su bili dužni da u roku od 60 dana usklade svoje akte te donesu provedbene propise koji će jasno definisati postupke i uvjete za ostvarivanje prednosti pri zapošljavanju. Pristup prednosti pri zapošljavanju za branioca i članove njihovih porodica ključan je element socijalne pravde i podrške onima koji su doprinijeli zaštitu domovine. Kroz ovu inicijativu, tražim transparentnost i dosljednost u primjeni zakona, a time i pravedniji tretman prema onima koji su dali svoj doprinos za opću dobrobit.”

Na postavljeno zastupničku inicijativu dajemo slijedeće

IZJAŠNENJE

U skladu sa pokrenutom inicijativom obavještavamo Vas da je Vlada Kantona Sarajevo donijela Uredbu o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo koja je objavljena u "Službenim novinama Kantona Sarajevo", br. 37/20 i 27/21. Ministarstvo za boračka pitanja Kantona Sarajevo je donijelo Instrukciju o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo, a koja je također objavljena u "Službenim novinama Kantona Sarajevo", br. 38/20 i 28/21. Predmetnu Uredbu i Instrukciju dostavljamo u prilogu ovog izjašnjenja.

S poštovanjem.

Dostaviti:

- Naslovu,
- Evidencija,
- A/a.

